

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

72/2021 Foru Agindua, martxoaren 26koa, hasierako onspena ematen diona Aramaioko udalerriko 8 poligonoko 142 B lurzatian, lurzoru urbanizaezinean, haizea neurtzeko Arlaban-3 estazio meteorologikoa jartzeko Aixeindar SAK sustatutako proiektuaren interes publikoaren adierazpenaren espedienteari

Aixeindar SAK obra lizentzia eskatu dio Aramaioko Udalari, haize parke bat instalatzeari begira Arlabango mendatearen inguruan haizea neurtzeko estazio meteorologiko bat instalatu/desinstalatzeko proiekturako. Estazio hori udalerrri horretako 8 poligonoko 142 B lurzatian, lurzoru urbanizaezinean, jarri nahi da.

Aramaioko Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoru eta Hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean sartuta daude proiektu teknikoaren kopia bat eta udal arkitektoak emandako txostena, eta bertan ageri da lurzoru urbanizaezinaren sailkapena eta "J.2.1. Zona, Natura interesa dela eta babestutako zona"ren kalifikazioa dituen lursailean dagoela dorrea hartuko duen lurzatia. Aramaioko Hiri Antolamendurako Plan Orokorrek 1.6.2.2. artikuluan xedatutakoa aplikatuz (zona horretan baimentzen diren erabilerak zehazten ditu), arrazoi zientifiko edo topografikoengatik edo antzeko arrazoiengatik lursailean kokatu behar diren onura publikoko edo gizarte intereseko jarduerak, eraikuntzak eta instalazioak baimentzen dira (Lurzoaru eta Hirigintzaren 2/2006 Legearen 28.5. artikulua).

Aixeindar SA sozietatea Eólicas de Euskadi SAK (Grupo Iberdrola) eta Cadem SAK eratzen dute; azken hori Eusko Jaurlaritzaren Energiaren Euskal Erakundearena da (EVE taldea). Egin nahi den azpiegitura 81 metroko dorre bat da. Ez du zimendurik behar, eta lurrera ainguratutako kableen bidez finkatuko da. Ez da aurreikusi instalazioaren inguruan itxiturarik egiterik. Erantsitako agirien artean dago lursailaren jabeak eta Aixeindar SA entitateak hitzartutako kontratua, non jasotzen baita lurzatiaren erabilera bi urterako lagatzeko erabakia, haizea neurtzeko Arlaban-3 dorrea instalatzeko.

ONARRI JURIDIKOAK

Lehenengoa. Ingurumen eta Hirigintza Sailak eskumena du aztertzen ari den espedientea ebazteko, Diputatu Nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Lurzoruaren eta Hiri Birgaitzearen Legearen testu bategina onesten duen urriaren 30eko 7/2015 Legegintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatzea babesten duen landa egoeran dagoen lurzoruan, salbuespen gisa eta lurralde eta hirigintza antolamenduaren legerian aurreikusitako prozedura erabiliz eta baldintzak betez, zilegi izango da berariazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira.

Bat etorri 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzekoa den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak,

betiere, dagokion foru diputatuak ebazpen bidez deklaratu behar baititu interes publikoko, hogeiei egunez jendaurrean edukitzeko izapidea bete ondoren”

Bigarrena. Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan eskumenez baliatuz, honako hau

XEDATZEN DUT

Lehenengoa. Hasierako onespena ematea Aramaioko udalerriko 8 poligonoko 142 B lurzati, lurzoru urbanizaezinean, 81 metroko garaiera izango duen dorre bat muntatzearen bidez haizea neurtzeko Arlaban-3 estazio meteorologikoa instalatzeko/desinstalatzeko proiektuaren interes publikoaren adierazpenaren espedienteari. Proiektu hori Aixear SA sozietateak sustatu du.

Bigarrena. Espedientea jendaurrean jartzea, hogeiei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamenduaren eta Hirigintzaren Zerbitzuan azter dezakete espedientea.

Hirugarrena. Izapide egintza ez kualifikatuaren izaera duen foru agindu honen aurka ezin da errekurtsorik aurkeztu.

Vitoria-Gasteiz, 2021eko martxoaren 26a

Ingurumen eta Hirigintza Saileko foru diputatua
JOSEAN GALERA CARRILLO